

Ny Valosoa sy hadihady

Miala Rajoelina. J- 39

Tsy tokony ho vita mora ny finiaivany naka zom-pirenena Frantsay

Tsy tokony hangina velively na tsy horesahana ny momba ny fizakan'i Andry Rajoelina ny zom-pirenena frantsay, ny finiaivany naka izany zom-pirenena vahiny izany. Mifanohitra amin'izany mihitsy aza no tokony hataon'ny olom-pirenena saropiaro amin'ny fiandrianam-pirenena malagasy, fa tokony ho resaka tsy vita io, ary tsy azo ampanginina fotsiny amin'izao, raha tsy misy ny fepetra na sazy mihàtra. Hadisoan'ireo mpanao politika, indrindra ny ao amin'ny fanoherana raha mangina momba izany izy ireo. Ny tsy fahafahan'ny olom-pirenena tsotra miteny sy maneho hevitra momba izany miharihary aza, efa sarotra sy manahirana eto tato anatin'izao fitondrana izao.

Hafahafa ary mampanahy be ihany ny hevitra ny filohan'ny Fitsarana Avo momba ny Lalampanorenana na HCC ny alarobia lasa teo raha nanontanian'ny mpanao gazety momba io raharaha io izy. Toa nosarontsaronana tsy ambara firy izany ny momba ny fizakan'i Andry Rajoelina ny zom-pirenena frantsay. Zary toa misy hevitra hanakontakonana izany. Indrindra ny amin'ny fampiatoana ny fitsikerana ny Hcc amin'ny hoe resaka fangalaram-bato, fa mangarahara no ao, hoy izy. Midika koa ve ireny teniny ireny hilaza, fa ny teo aloha nodimbiasin'izy ireo tsy toy izany. Rehefa tsy madio ny teo aloha, mila milaza izany ankarihary ny ankehitriny. Raha hanamboamboatra ny momba an'i Andry Rajoelina izy ireo ankehitriny, ho sahy hikimpy anoloan'ny marina, ny rariny sy ny hantsiny indray koa toa ny tamin'ny andron'ny teo alohany ve izany? Iaraha-mahita anefa izao ny manjo

ny firenena vokatr'izany fanapahan-kevitra noraisiny izany. Hatreto, tsy sahy miteny sy manazava ny momba io raharaha io ny HCC teo aloha, nefa mian-dry fatratra hatramin'ny ela izany ny vahoaka malagasy manontolo. Miendrika famadihan-tanindrazana (haute trahison) no nataony, ary fanaovana tsinontsinona ireo Malagasy nijaly, nandatsaka ny ainy, very fananana sy vady aman-janaka, tamin'ny raharaha 1947. Hinia hikimpy tsy hahatsiaro izany koa ve ny HCC ankehitriny? Tsy eken'ny saina velively ny maha frantsay ny filohan'ny Repoblika na inona fanazavana roritina etsy eroa na inona. Miezaka manao izany mafy ireo miara-dia sy mpomba an-dRajoelina, sy ny faneken'ny fa olon'ny frantsay ny filohan'ny Repoblika tamin'izao vanim-potoana izao no sady eo ambany fifehazan'ny mpitondra frantsay. Midika zavatra be dia be izany. Mila ho voarakitra mazava tsara ao anaty tantara ihany koa: iza avy izy ireny ho fantatry ny taranaka fara aman-dimby sy mba tsy hataony anaty kitapo iray isika miaina amin'izao vaninandro izao. Momba ity raharaha ity, soa ihany fa efa 39 andro sisa: J- 39 dia hiala ny filoha Andry Rajoelina, ka heverina fa tsy hisy vahoaka izay tena topon'ny fahefana ho voafitany intsony amin'ny fifidianana, voafitany tamin'ny maha-Frantsay azy, sy fiarovany ny tombontsoan'ny vahiny. Tsy hisy ho voafitany intsony amin'ireo fampanantenana poakaty, izay maro no tsy vitany raha oharina amin'ny tena filan'ny vahoaka maro an'isa.

Sôh'son

RANDRIAMANALINTSOA IHAJASON

Raiso ny hevitra ny rehetra ho fanatsarana ny zotram-pifidianana

Tokony hifampihaino ny mpanapa-kevitra sy ny mpisehatra politika rehetra, amin'ny fametrahana ny fitsipi-dalao eo amin'ny fanatanterahana ny fifidianana rehetra izay ho karakarin'ny Ceni eto Madagasikara, mba hisian'ny fifidianana madio sy mangarahara ary eken'ny rehetra hoy Randriamanalintsoa Ihajason, Ben'ny tanànan'ny Kaominina Ambohitrimanjaka distrikan'Ambohidratrimo, voafidy tamin'ny lisitry ny antoko Tiako i Madagasikara (TIM). Nanohy fanazavana ity olom-boafidy ity, fa tokony hijoro amin'ny fahamarinana no sady tsy mitanila ny Ceni amin'ny fanapahan-kevitra rai-



Ny ben'ny tanànan'Ambohitrimanjaka, Ihajason Randriamanalintsoa.

siny ary mijery ny marimaritra iraisana, manoloana ny soso-kevitra atolotry ny antoko mpanohitra. Nanambara ny Ben'ny tanànan'ny Kaominina Ambohitrimanjaka, fa tokony haravona avokoa ireo teboka manjavovo-

zavo tsy ahafahana mirosiro amin'ny fifidianana, ao anatin'izany ny fitadiavana vola ahafahan'ny Ceni miatrika ny zotram-pifidianana, ny fanavaozana ny rafitra sy ireo rantsamangaika'ny Ceni, izay hitantana sy hikirakira ny voka-pifidianana, mba hisorohana ny ahiahin'ny olom-pirenena, ny fanapahan-kevitra hentitra momba ny fananan'ny filoham-pirenena ny zom-pirenena Frantsay, manoloana ny lalàna velona eto Madagasikara, ny fijoroan'ny Hcc amin'ny fahitsiana, ny fijerena ny marimaritra iraisana momba ny "Caution" izay harotsaky ny kandida filoham-pirenena, ny fijerena

ny fahafahan'ny kandida miatrika ny fampilelezan-kevitra, ny fanatsarana ny lalam-pifidianana... Nanamafy Andriamatoa Randriamanalintsoa Ihajason, fa mbola betsaka ny zavatra tsy tomobana tokony mbola harenina haingana dieny mbola misy ny fotoana, mba ho eken'ny rehetra ny voka-pifidianana izay hivoaka aorian'ny fifidianana filoham-pirenena fihodinana voalohany izay hatao ny 09 Novambra 2023, sy ny fifidianana fihodinana faharoa izay hatao ny 20 Desambra 2023 ho avy izao, raha hisy izay fihodinana faha-2 izay.

Franck Razakambelo

Ekar. Filoha Ravalomanana Nanatrika koa ny fametrahana ny Arseveka vaovaon'Antananarivo

Nanatrika koa ny fametrahana amin'ny Fiketrahana Masina, ny Arseveka vaovaon'ny Arsidiosezin'Antananarivo, ny filoha Marc Ravalomanana, ny alahady teo, teny Soamandrakizay. Nambaran'ny filoha nasionalin'ny antoko TIM nandritra izany fa : "Miarahaba ny Arsevekan'Antananarivo vaovao, Mgr Jean de Dieu Raelison ny tenako . Miarahaba ihany koa ny Kristianina katolika rehetra eto Antananarivo nahazo Arseveka vaovao. Tena faly aho nanatrika ny sorona masina nametrahana azy androany teny Soamandrakizay. "Isika dia noharian'Andriamanitra toy ny tenany, sarobidy ny olombelona, ary Andriamanitra tsy mamela antsika ho irery fa mangatahà aminy dia omeny isika, indrindra ny Fahendrena", hoy izy tao aorian'ny lamesa lehibe teny an-toerana. Ankoatra izany, nifarana tamin'io fotoana io koa ny JNE, na ny androm-pirenen'ny ankizy katolika. Mahajanga indray, no hampiantrano ny andiany manaraka. Tontosa ny alahady teo koa ny Sorona Masina lehibe famaranana ny Andro Nasionalin'ny Ankizy katolika na JNE io, izay natao teny Soamandrakizay ihany koa. Andiany fahatelo ny tamin'ity taona ity, izay nampiantranoan'ny Arsidiosezin'Antananarivo.

Nandritra izany koa no nanatanterahana ny fametrahana amin'ny Fiketrahana Masina ny Arseveka vaovao ny Arsidiosezin'Antananarivo, Mgr Jean de Dieu Raelison, ka nanolorana azy ny Paliôma manamarika izany, sy ny tehina maha mpiandry ondry azy. Nambara tamin'ny famaranana, fa ny Diosezin'i Mahajanga indray no hampiantrano ny JNR andiany faha-4.

Stefa



Ny filoha Marc Ravalomanana, teny Soamandrakizay ny alahady teo.

TOMONKALO

Fanadiovana no maika

Aminay ny fanadiovana , izany izao no tena maika, Mila raofina ny fako sy ny loto eto an-tanàna, Saingy ry vazahabe dia modimody tsy miraika Fa toa faly hitango vola sy variana mampifana !

Tena taisy maharatsy ny fanaovam-bakitsiny, Saingy mila fanadiovana , io no tena maika indrindra. Iza re no hanilihana , iza no homena tsiny Raha miverina eto indray ireo aretina mifindra ?

Irony fako misavovona , efa ho lasa tendrombohitra, Saingy mba nankaiza re ireo fiarabe izay nidedahana ? Mbola sahy hilaza indray hoe fingampangan'ny mpanohitra No mahatonga irony loto izay toa efa iravahana ?

Vary kely indroa mihinana , izany indray no hoe zaraina , Fanodinan-tsaina ireny , nefa aleo ekena ho dingana, Saingy mba ahoana kosa ny amin'ny fako tsy hay lazaina, Sao hiverina eto indray ireo aretina mandringana ?

Fanamboarana ny lalana , tena tokony hohafainganina. (Mampiteny iretsy moana ireo karazam-pitohanana !) Mbola hotanana ny hoe « ireny anie ka tsy azo hanina » ? 'Ndao fa dia hifankahita raha handeha ny fifidianana !

...Tena mila fanadiovana amin'ny lafiny rehetra Fa ao anaty fahalovana i Madagasikarantsika. 'Ndao esorina ny fako , ny mpitantana voretra, Raha tiana ny ho lohany sy ho modely eto Afrika !

IRINA HO TAFITA (30-07-23)

Antsiranana

Misy lalana nampitondrain'ny kaominina ny anaran'i Dedesse

Misy lalana nampitondrain'ny kaominina Antsiranana any amin'ny faritra Diana, ny anaran'i Dedesse, ny lalana ao antampon-tanànan'i Diégo. Notapahan'ny fiadidian'ny tanàna, izay tarihan'ny ben'ny tanàna a Djavojozara Jean Luc ary nankatoavin'ny mpanolontsaina ny Kaominina ambonivohitra Antsiranana ny hampitondrana ny anaran'ilay mpanakanto fantadaza Bezara Ernest dit Dedesse ny ampahan-dalana Scama hatreo amin'ny STAR, any amin'ny renivohitra ny faritra Diana. Notanterahana ny sabotsy teo ny lanonana tsotra,



Ny lanonana nanomezana anarana ny lalana Scama- Star Antsiranana, ny anaran'i Dedesse.

nefa nanana ny naha izy azy, ho fanomezana anarana io la-

lana io. Nahavita be teo amin'ny sehatry ny zava-kanto teto

Isambilo